

## REGIONAL NEWS

UNIT

ALL INDIA RADIO, AGARTALA

Date:20-03-2024

Time: 07.35-07.40 AM Hrs

BENGALI MORNING BULLETIN

\*\*\*\*\*  
\*\*\*\*\*

CEO-PRESS MEET :

নির্বাচন কমিশন অষ্টাদশ লোকসভা নির্বাচনের প্রথম পর্যায়ের ভোট গ্রহণের জন্য আজ আনুষ্ঠানিকভাবে বিজ্ঞপ্তি জারি করবে। প্রথম পর্যায়ে আগামী ১৯শে এপ্রিল পশ্চিম ত্রিপুরার লোকসভা আসনের ভোট গ্রহণ করা হবে। একইদিনে রামনগর বিধানসভা কেন্দ্রে উপনির্বাচন অনুষ্ঠিত হবে। এই উপনির্বাচনের জন্যও আজ বিজ্ঞপ্তি জারি করা হবে। গতকাল আগরতলায় এক সাংবাদিক সম্মেলনে রাজ্যের মুখ্য নির্বাচনী আধিকারিক পুনিত আগরওয়াল এসংবাদ জানান। তিনি জানান, আজ পশ্চিম ত্রিপুরা লোকসভা আসনের নির্বাচন ও রামনগর বিধানসভা কেন্দ্রের উপনির্বাচনের বিজ্ঞপ্তি জারির পর আজ থেকেই মনোনয়নপত্র গ্রহণ করা হবে। মনোনয়নপত্র জমা দেবার শেষ তারিখ আগামী ২৭শে মার্চ। মনোনয়নপত্র পরীক্ষা করা হবে আগামী ২৮শে মার্চ। মনোনয়ন পত্র প্রত্যাহারের শেষ দিন আগামী ৩০শে মার্চ। পূর্ব ত্রিপুরা উপজাতি সংরক্ষিত লোকসভা আসনের নির্বাচনে বিজ্ঞপ্তি জারি করা হবে আগামী ২৮শে মার্চ। মনোনয়নপত্র জমার শেষ দিন

আগামী চৌঠা এপ্রিল। মনোনয়নপত্র পরীক্ষা করা হবে ৫ই এপ্রিল, এবং মনোনয়নপত্র প্রত্যাহারের শেষ দিন ৮ই এপ্রিল। ভোট গ্রহণ করা হবে আগামী ২৬শে এপ্রিল।

এদিকে, পশ্চিম ত্রিপুরা লোকসভা আসনের নির্বাচনে আজ ব্যয় নির্বাহ পর্যবেক্ষক রাজ্যে আসবেন বলে রাজ্যের মুখ্য নির্বাচন আধিকারিক জানান।

মুখ্যনির্বাচন আধিকারিক আরো জানান, রাজ্যে দুটি লোকসভা আসনে মোট ভোটার ২৮ লক্ষ ৫৭ হাজার ৯৯৬। এর মধ্যে পশ্চিম ত্রিপুরা সাধারণ আসনে মোট ভোটার ১৪ লক্ষ ৬২ হাজার ৮৭৫ এবং পূর্ব ত্রিপুরা লোকসভা আসনে মোট ভোটার ১৩ লক্ষ ৯৫ হাজার ১২১। অপরদিকে, রামনগর বিধানসভা কেন্দ্রে ভোটার রয়েছেন, ৪৫ হাজার ৬৬৯। এবার ৮৫ বছর বা তার উর্ধে বয়সীরা বাড়ি থেকে ভোট দিতে পারবেন এমন ভোটার রয়েছেন, ১৮ হাজার ৬৭৬। দিব্যাঙ্গ ভোটার রয়েছেন ১৯ হাজার ৮৬৬। তিনি জানান, রাজ্যে ১৮ থেকে ১৯ বছর বয়সী প্রথম ভোটার রয়েছেন ৬৯ হাজার ৭৮২। মোট ভোট গ্রহণ কেন্দ্র ৩৩৪৯টি।

\*\*\*\*\*

#### **SP Sepahijala-Election :**

সিপাহীজলা জেলার পুলিশ সুপার বি জে রেড্ডি জেলায় প্রতিটি রাজনৈতিক দলকে নির্ভয়ে ভোট প্রচার করার জন্য আবেদন করেছেন। গতকাল সোনামুড়া থানায় সাংবাদিকদের বিভিন্ন প্রশ্নের

উত্তর দিতে গিয়ে পুলিশ সুপার এই আবেদনের কথা উল্লেখ করেন। তিনি জানান, লোকসভা নির্বাচন অবাধ ও শান্তিপূর্ণ করার জন্য ব্যাপক নিরাপত্তা ব্যবস্থা গ্রহণ করা হয়েছে। ইতিমধ্যে সিপাহিজলা জেলায় পর্যাপ্ত সংখ্যক কেন্দ্রীয় বাহিনী পৌঁছে গেছে।

\*\*\*\*\*

### **Loksabha Election-Kailashahar :**

পূর্ব ত্রিপুরা সংসদীয় আসনের অন্তর্গত ঊনকোটি জেলার কৈলাশহরে গতকাল বিভিন্ন রাজনৈতিক দলের প্রতিনিধিদের নিয়ে এক সর্বদলীয় বৈঠক অনুষ্ঠিত হয়।

কৈলাশহর S.D.M এর অফিসকক্ষে আয়োজিত বৈঠকে সভাপতিত্ব করেন, পূর্ব ত্রিপুরা সংসদীয় আসনের সহকারী রিটার্নিং অফিসার তথা কৈলাশহরের S.D.M প্রদীপ সরকার। উপস্থিত ছিলেন, কৈলাশহরের S.D.P.O জয়ন্ত কর্মকার, কৈলাশহর ও ইরাণি থানার ওসি'রা।

এখানে B.J.P, কংগ্রেস, তৃনমূল কংগ্রেস, C.P.I (M, তিপুরা মথা দলের প্রতিনিধিরা অংশ নেন।

বৈঠকে নির্বাচন কমিশন প্রণীত আদর্শ আচরণ বিধি কঠোরভাবে মেনে চলার উপর গুরুত্বারোপ করা হয়।

\*\*\*\*\*

## **Press Conference-Lok Sabha Elections :**

খোয়াই জেলার জেলাশাসক চাঁদনী চন্দ্রন গতকাল এক সাংবাদিক সম্মেলনে জানিয়েছেন, খোয়াই জেলায় নির্বাচন অবাধ ও শান্তিপূর্ণভাবে সম্পন্ন করার জন্য প্রয়োজনীয় সব ধরনের ব্যবস্থা গ্রহণ করা হয়েছে। জেলার পুলিশ সুপার রমেশ কুমার যাদব জানিয়েছেন, গোটা জেলায় ১৮টি নাকা পয়েন্ট বসানো হয়েছে। জেলার বিভিন্ন স্থানে প্রতিদিন চলছে ফ্ল্যাগ মার্চ। মোট আট কোম্পানি কেন্দ্রীয় বাহিনী ইতিমধ্যে খোয়াই জেলায় পৌঁছে গেছে।

\*\*\*\*\*

## **Loksabha Election-Kailashahar :**

পূর্ব ত্রিপুরা সংসদীয় আসনের অন্তর্গত ঊনকোটি জেলার কৈলাশহরে গতকাল বিভিন্ন রাজনৈতিক দলের প্রতিনিধিদের নিয়ে এক সর্বদলীয় বৈঠক অনুষ্ঠিত হয়।

কৈলাশহর S.D.M এর অফিসকক্ষে আয়োজিত বৈঠকে সভাপতিত্ব করেন, পূর্ব ত্রিপুরা সংসদীয় আসনের সহকারী রিটার্নিং অফিসার তথা কৈলাশহরের S.D.M প্রদীপ সরকার। উপস্থিত ছিলেন, কৈলাশহরের S.D.P.O জয়ন্ত কর্মকার, কৈলাশহর ও ইরাণি থানার ওসি'রা।

এখানে B.J.P, কংগ্রেস, তৃনমূল কংগ্রেস, C.P.I (M, তিপরা  
মথা দলের প্রতিনিধিরা অংশ নেন।

বৈঠকে নির্বাচন কমিশন প্রণীত আদর্শ আচরণ বিধি কঠোরভাবে  
মেনে চলার উপর গুরুত্বারোপ করা হয়।

\*\*\*\*\*

#### **Press Conference-Lok Sabha Elections :**

খোয়াই জেলার জেলাশাসক চাঁদনী চন্দ্রন গতকাল এক সাংবাদিক  
সম্মেলনে জানিয়েছেন, খোয়াই জেলায় নির্বাচন অবাধ ও  
শান্তিপূর্ণভাবে সম্পন্ন করার জন্য প্রয়োজনীয় সব ধরনের ব্যবস্থা  
গ্রহণ করা হয়েছে। জেলার পুলিশ সুপার রমেশ কুমার যাদব  
জানিয়েছেন, গোটা জেলায় ১৮টি নাকা পয়েন্ট বসানো হয়েছে।  
জেলার বিভিন্ন স্থানে প্রতিদিন চলছে ফ্ল্যাগ মার্চ। মোট আট  
কোম্পানি কেন্দ্রীয় বাহিনী ইতিমধ্যে খোয়াই জেলায় পৌঁছে গেছে।

\*\*\*\*\*

#### **Press meet sdm korbook :**

পূর্ব ত্রিপুরা সংসদীয় নির্বাচনী ক্ষেত্রের অন্তর্গত ৪৩-করবুক  
(এসটি ) বিধানসভা কেন্দ্রের ভোট গ্রহণ আগামী ২৬ এপ্রিল ।  
গতকাল করবুক মহকুমা শাসকের কার্যালয়ের কনফারেন্স হলে  
সাংবাদিক সম্মেলনে মহকুমা শাসক তথা অ্যাসিস্ট্যান্ট রিটার্নিং  
অফিসার পার্থ দাস জানান।

কৰবুক মহকুমায় মোট ভোটাৰ ৪১ হাজাৰ ৪৮৭ জন। মহকুমায় মোট ভোট গ্ৰহণ কেন্দ্ৰ রয়েছে ৪৭ টি। এৰমধ্যে স্পৰ্শকাতৰ ভোট কেন্দ্ৰ রয়েছে ১১ টি। ডুম্বুৰ জলাশয়ের নিকটবৰ্তী ২ টি ভোট কেন্দ্ৰে ভোট দানের জন্য ভোটারদের নৌকায় চেপে আসতে হবে। তাছাড়া, ২ টি ভোট কেন্দ্ৰে মোবাইল নেটওয়ার্ক পৰিষেবা না থাকায় ওয়্যারলেসের মাধ্যমে যোগাযোগের ব্যবস্থা করা হবে। নিৰ্বাচন উপলক্ষে মহকুমায় নাকা পয়েন্ট রয়েছে ৩ টি।

এছাড়া, ভোটারদের সুবিধার্থে কমপ্লেইন্ট সেল খোলা হয়েছে, যার নাম্বাৰ ০৩৮২১-২৯৪৮২, ৬০০৯৫৫৭২৪৫ (হোয়াটস্যাপ)।

\*\*\*\*\*

**Bjp election management comitee :**

ৰাজ্যের দুটি লোকসভা আসনে নিৰ্বাচনকে সামনে রেখে গতকাল ৰাজ্য বিজেপির ইলেকশন ম্যানেজমেন্ট কমিটি গঠিত হয়েছে। পশ্চিম ত্ৰিপুরা লোকসভা কেন্দ্ৰে এই কমিটির ইনচাৰ্জ হয়েছেন বিধায়ক ভগবান চন্দ্ৰ দাস। এছাড়া সহকারী ইনচাৰ্জ পদে রয়েছেন বিজেপি নেত্ৰী পাপিয়া দত্ত। কনভেনর পদে রয়েছেন বিধায়ক ও বিদ্যুৎ মন্ত্ৰী রতনলাল নাথ এবং সহকারী কনভেনর পদে রয়েছেন বিধায়ক অভিষেক দেবৰায়। পাশাপাশি পূৰ্ব ত্ৰিপুরা লোকসভা আসনে এই দায়িত্ব পেয়েছেন ৰাজ্য বিজেপির সাধাৰণ সম্পাদক অমিত রক্ষিত। সহকারী ইনচাৰ্জ হয়েছেন বিমল চাকমা।

কনভেনর হিসেবে রয়েছেন মন্ত্রী টিঙ্কু রায় ও সহকারী কনভেনর  
পদে রয়েছেন বিধায়ক শম্ভুলাল চাকমা।

\*\*\*\*\*

**Biplab deb - Organisational meeting :**

নির্বাচনে বিভিন্ন প্রার্থীর সমর্থনে ইতিমধ্যেই প্রচারাভিযান শুরু  
হয়েছে । ভারতীয় জনতা পার্টির মনোনীত প্রার্থী বিপ্লব কুমার  
দেবের সমর্থনে রামনগর বিধানসভার অন্তর্গত কালিকাপুর উচ্চ  
বুনিয়াদি বিদ্যালয় প্রাঙ্গণে গতকাল পুর নিগমের ১৫ নং ওয়ার্ড  
অন্তর্গত ১৩ টি বুথ এবং ৩ শক্তি কেন্দ্রের কার্যকর্তাদের নিয়ে  
এক সাংগঠনিক বৈঠক অনুষ্ঠিত হয়। উপস্থিত ছিলেন প্রার্থী বিপ্লব  
কুমার দেব, পুর মেয়র দীপক মজুমদার সহ অন্যান্য  
কার্যকর্তারা। তাছাড়া শ্রী দেব বামুটিয়া মন্ডলের অন্তর্গত 'সুধী  
সমাজ ও গুণীজন বার্তালাপ' শীর্ষক কর্মসূচিতে ও অংশগ্রহণ  
করেন।

\*\*\*\*\*

**Weather :**

আজ দুপুর পর্যন্ত আবহাওয়ার পূর্বাভাসে জানানো হয়, আকাশ সাধারণত মেঘলা থাকবে। বজ্র বিদ্যুত সহ বিক্ষিপ্তভাবে বৃষ্টি হতে পারে । দিনের সর্বোচ্চ তাপমাত্রা থাকবে ২৬ ডিগ্রির কাছাকাছি । আজ ভোরে আগরতলায় সর্বনিম্ন তাপমাত্রা ছিল ২২ ডিগ্রী সেলসিয়াস ।

---





















